



स्वयान कौके

पहुरा थारु दैनिकके अनलाइन न्यूज ओ ओकरभिट्टर डारल इ-पेपरमे देशविदेशसे हमार अनलाइन न्यूज ओ पत्रिका पहे सेक्वी ।

थारु भाषाके 'क' वर्गके राष्ट्रिय दैनिक

भाषा, संस्कृति ओ समाचारमूलक पत्रिका

पहुरा

PAHURA
NATIONAL DAILY

विवाह पवित्र बन्धन हो,
विवाहलाई लेनदेनको विषय
नबनाओ,
विवाहमा दाईजो लिने र दिने
काम नगरौं,
दाईजोका कारण हुने हिंसा
अन्त्य गरौं ।



नेपाल सरकार
विज्ञापन बोर्ड

वर्ष २४ अंक ५८ वि.सं. २०८३ भदौ २७ गते शनिच्चर थारु सम्बत (२६४९) [Saturday 12 September 2026] (मोल रु. ५ ।- पेज ४)

हत्याके दोषीहे अनुसन्धानके दायरामे लन्ना माग कैलारीमे भूमिके वर्गीकरण कैटि

पहुरा समाचारवाता
धनगढी, २६ भदौ । कैलालीके धनगढी उपमहानगरपालिका-१७ स्थित उत्तरखैरेनी मुक्त कर्मैया शिविरके १० वर्षीय तनुज चौधरीके हत्या घटनामे संलग्न थप व्यक्तिहे अनुसन्धानके दायरामे लन्ना मृतकके आफन्त माग करले बटै ।

बालकके हत्या मिलेमतोमे हुइल जिकिर कैटी उहाँहुके घटनामे संलग्न सक्कु जनहनहे कारबाहीके माग करल हुइल । पीडित पक्षसे शुकेके धनगढीमे पत्रकार सम्मेलन कैके तनुजके हत्या गाउँके एक परिवारके मिलेमतोमे २५ वर्षीय खगेन्द्र कठायतसे करल जिकिर करले बटै । घटनामे गाउँके दिलखुश चौधरी, उहाँके गोसिनीया शुक्नीदेवी ओ नाबालक छावाके संलग्नता रहल मृतकके बाबा निमराज चौधरी बटैलै । उहाँके अनुसार घटना हुइनासे आघे शुक्नीदेवी ओ खगेन्द्रबिच फोनमे बातचित हुइटी रहे ।

चौधरी कहलै, "असार १० गते उहाँहुके नै घरसे मोर छावाहे बोलाके मोर्यास्थित धान लगैटी रहल खेट्वामे लैजैना, वहाँसे साँझ खगेन्द्रके ठन छोर्नासे ओइनके संलग्नता पुष्टि हुइल ।"



पीडित पक्षके अनुसार धान लगैना ठाउँमे दिलखुश, खगेन्द्र ओ वहाँ काम करइया गेटा ओ दार पियल रहित । साँझ घर अइना बेलाके ओर फरक फरक डगरा लगलेसे फोन खगेन्द्र, तनुज ओ दिलखुशके छावाहे सँगै घर फिर्ता पठाइल रहे । यद्यपि, १५ वर्षीय बालक जो मृतकके संघरिया फोन रहित, उहाँ तनुजहे बन्वामे खगेन्द्रसंगे छोरके घर गैल पीडित पक्षके कहाइ रहल बा ।

तनुज घर नैआइलपाछे अभिभावक दिलखुश ओ खगेन्द्रके घरमे घरी घरी सोधपुछ करल रहित । तीन दिनपाछे गाउँ लग्गे सामुदायिक बन्वामे दुइगासे मारके वीभत्स हत्या करल अवस्थामे बालकके शव भेटल रहे । खगेन्द्र घटनाके बारेमे दिलखुश ओ

ओहकान गोसिनीयाहे पहिले नै जानकारी करासेकल रलेसे फोन उहाँहुके घटना नुकैना, ढाकछोप कैना कार्य करल पीडितके आरोप रहल बा ।

मृतकके डाइ राधा छिमेकी परिवारके संलग्नतामे आपन छावाके हत्या हुइल कहटी सक्कु जनहनहे कारबाही कैना माग करली । "मोर छावा न्याय पाइ परल", उहाँ कहली, "ओइनहे पक्राउ कैके तुरुन्त छानबिन प्रक्रिया आघे बहैना माग करटु ।"

धनगढी उपमहानगरपालिका ओ गौरीगङ्गा जोना सिमानामे रहल कालिका सामुदायिक वनमे वीभत्स हत्या करल अवस्थामे तनुजके शव भेटल रहे । घटनामे संलग्न रहल आरोपमे

प्रहरी दिलखुश, १५ वर्षीय बालक ओ खगेन्द्रका बाबा टेक कठायतसहित स्थानीय एक व्यक्तिहेसमेत सुरुमे पक्राउ करल रहे । यद्यपि, हत्यामे संलग्न रहल पुष्टि हुइ नैसेकलपाछे तीन दिनपाछे आरोपित छुटल रहित । खगेन्द्र भर घटनापाछे फरार हुइल रहित । भारततर्फ भगटी रहल अवस्थामे उहाँहे पाछे प्रहरी पक्राउ करल रहे । हत्याके अभियुक्तहे पुर्पक्षके लाग जिल्ला प्रहरी कार्यालय साउनमे कारागार चलान करसेकल बा ।

मृतक बालकके बुडी महन्तादेवी चौधरी दिलखुशके परिवार आपन नटियाहे खगेन्द्रके हाठमे सम्पल कार्य करल ओरसे ओइनउपर कारबाही हुइ पर्ना माग करले बटै । "हम्मे न्याय पाइ परल", उहाँ कहली । ओस्टके, स्थानीय भागीराम चौधरी घटना हुइनासे आघे उहाँहुकन बिच घरी घरी फोनमे बातचित हुइल ओरसे मिलेमतोमे घटना घटाइल जिकिर करल रही ।



पहुरा समाचारवाता
धनगढी, २६ भदौ । कैलाली जिल्लाके कैलारी गाउँपालिकामे भूमिके वर्गीकरण सम्बन्धी सरोकारवाला निकायके सुभाब संकलनके लाग छलफल कार्यक्रम सम्पन्न हुइल बा ।

कैलारी गाउँपालिकाके आयोजनामे कैलारीके भू-उपभोग योजना तर्जुमा तथा भू-उपयोग वर्गीकरणके (किताके वर्गीकरण) प्रारम्भिक प्रतिवेदन प्राप्त हुइलमे सरोकार विच प्रस्तुत करके आवश्यक पृष्ठपोषणके आधारमे प्राप्त प्रतिवेदनमे संशोधन तथा परिमार्जन करके भूमि व्यवस्थापन प्रक्रियाहे सहज तथा व्यवस्थित बनाइक लाग सरोकारवालाहुकन

वीच छलफल अन्तरक्रिया करके सरोकारवालाके सुभाब संकलन सम्बन्धी बैठक गाउँपालिका उपाध्यक्ष भगवतीकुमारी चौधरीके अध्यक्षतामे हुइल हो । कार्यक्रममे सम्बोधन करटी उहाँ कैलारी गाउँपालिकाके भूमिके वर्गीकरण हुइटी रहल ओरसे सक्कु जाने आपन भूमि कौन बर्गमे परटा कना हेर्ना ओ सच्याई पर्ना रहलेसे समयमे सच्याइना आप्रह करली । उहाँ कहली, अब्बे वेवस्ता करबी कलेसे पाछे गाहो हुइना कहटी सक्कु जाने हेरी ओ चित्ता नैबुभाल हो कलेसे हाली सच्याई ।

कैलारी गाउँपालिकाके प्रमुख प्रशासकीय अधिकृत दलबहादुर धामी गाउँपालिकासे भूमिके (बाँकी २ पेजमे)

टिना संकलन केन्द्र प्रयोगविहीन



पहुरा समाचारवाता
धनगढी, २६ भदौ । कैलालीके धनगढी उपमहानगरपालिका-१७ पथरीमे २५ लाख रुपियाँ लगानीमे बनल तरकारी संकलन केन्द्र प्रयोगविहीन बनल बा ।

सुदूरपश्चिम प्रदेश सरकार ओ धनगढी उपमहानगरपालिकाके आर्थिक सहयोगमे बनल तरकारी संकलन केन्द्र हालसम प्रयोगमे आइ सेकल नैहो । २०७८ सालमे निर्माण कार्य सम्पन्न हुइल तरकारी सङ्कलन केन्द्रमे किसानसे तरकारी नैडेहलपाछे प्रयोगमे आइ नैसेकल वडा अध्यक्ष माधव राना बटैलै ।

उहाँके अनुसार निर्माण कार्य ओराइल सुरुवाती समयमे तरकारी सङ्कलन केन्द्रमे समितिसे तरकारी सङ्कलनके काम करल रहे । मन, सस्तामे नैरुखा कहटी किसान सङ्कलन केन्द्रमे आपन उत्पादन डेहे नैमानल जनाइल बा । वडा अध्यक्ष राना कहलै, "पाँच रुपिया सस्ता हुइल कहटी किसान यहाँ तरकारी नैरुखलै । बर, अपनहे धनगढीसम लैजाके बिन्नी करे लागलपाछे संकलन केन्द्र किसानके तरकारी नैपाइल ।"

वडा नम्बर १७ मे पथरी, धुरभन्ना, दमौलिया लगायतके गाउँके किसान व्यावसायिक तरकारी खेती कैटी आइल बटै । दमौलियामे तीनठो

तरकारी पकेट क्षेत्र बनाके तरकारी खेती करल बा । ओस्टके, पथरी गाउँके ७५ प्रतिशत कृषक व्यावसायिक तरकारी खेती कैटी आइल वडा कार्यालय जानकारी डेले बा । बरसभर तरकारी उत्पादन ओ बेचबिखन कैटी आइल किसानहे बजारीकरणमे सहयोग कैना उद्देश्यके साथ तरकारी सङ्कलन केन्द्र बनाइल रहे ।

पथरीके स्थानीय यज्ञराज चौधरी सङ्कलन केन्द्र बनैलेसे फोन सञ्चालन नैकरल जिकिर करलै । सङ्कलन केन्द्र सञ्चालन हुइलमे किसानके लागत घटे जाके आउर ढेर फाइदा हुइना कहटी उहाँ कहलै, "सङ्कलन केन्द्र नैहोके अब्बे किसान अपनहे बजारसम पुगे पर्ना अवस्था बा । आपन साधन रहलहे टे सजिल बा । मने, साधन नैहुइलहे समस्या भोगटी रहल बटै । उत्पादन बजारसम पुगाइबर उहाँहुकनके लागत बहटी रहल बा ।"

सुदूरपश्चिम प्रदेश सरकार ओ धनगढी उपमहानगरपालिकाके सहकार्यमे निर्माण करल सङ्कलन केन्द्र भवन बेकामे बनल चौधरी उल्लेख करलै । उहाँ कहलै, "इ सञ्चालनमे आइल रहटके किसानहे आपन उत्पादन बिन्नीके लाग सक्करही बजार पुगे पर्ना बाध्यता नैरहट । व्यापारीहुके सङ्कलन

केन्द्रसे अपनहे उठाके लैजिटै ।"

वडा अध्यक्ष राना निकट भविष्यमे तरकारी सङ्कलन केन्द्र प्रयोगमे अइना बटैलै । उहाँ धनगढी उपमहानगरपालिकाके कार्यालयसे निःशुल्क रुपमे किसानके उत्पादन दुवानी कैना कहटी कहलै, "संकलन केन्द्रसे तरकारी दुवानीके लाग गाडी खरिदके प्रक्रिया आघे बहाइल बा । पालिकासे किसानके उत्पादन निःशुल्क रुपमे बजारसम पुगाडेना व्यवस्था करटी बा ।"

वाढी र डुवान हुनुपूर्वको तयारी

- ❖ नदीमा बढेको पानी, डुबाम र तटबन्धको अवस्थाको जानकारी लिऔं,
- ❖ घरबाट नजिक रहेको सबैभन्दा अग्लो ठाउँ, चौर र सार्वजनिक भवनबारे थाहा पाइराखौं,
- ❖ आपतकालिन अवस्थाका लागि खाद्यान्न तथा औषधीजन्य सामग्री घरको अग्लो ठाउँमा राखौं,
- ❖ गाउँ, टोल, वडामा खबरका डुङ्गा, लाईफ ज्याकेट, डोरी, बाँस र प्राथमिक उपचारका सामग्री तयारी अवस्थामा राखौं,
- ❖ वर्षायाममा सधैं मोबाईलमा पर्याप्त ब्यालेन्स र ब्याट्री राखौं,
- ❖ वर्षा र बाढीको अवस्थाबारे टोल फ्रि नम्बर ११५५ वा सञ्चार माध्यमबाट जानकारी लिने गरौं,
- ❖ प्रहरी, सुरक्षा निकाय र एम्बुलेन्सको नम्बर राखौं, तत्काल सहायता चाहिएमा सम्पर्क गरौं ।



नेपाल सरकार
विज्ञापन बोर्ड

सुदूरपश्चिम प्रदेशको अत्याधुनिक सुविधा सम्पन्न



Advanced Healthcare for all...

निसर्ग हस्पिटल

एण्ड रिसर्च सेन्टर प्रा.लि.

विशेषज्ञ डाक्टर तथा ओ.पि.डी सेवाहरु

जनरल फिजिसियन (पेट,खाती,मुटु) रोग विशेषज्ञ	रेडियोलोजी विशेषज्ञ	न्युरो, नसिताक, नशा तथा मेरुदण्ड रोग विशेषज्ञ	हाडजोर्नी तथा स्पोर्ट्स फिजियोथेरापिस्ट
हाडजोर्नी तथा नशारी रोग विशेषज्ञ	जनरल तथा ल्याप्रोस्कोपिक सर्जन	स्त्री तथा प्रसुति रोग विशेषज्ञ	नवजात शिशु तथा बालरोग विशेषज्ञ
नाक, कान, घाँटी तथा थाइरोइड रोग विशेषज्ञ	एनेस्थेसिया तथा क्रिटिकल केयर विशेषज्ञ	मुख, अनुहार तथा वङ्गारा विशेषज्ञ	मानसिक तथा नशा रोग विशेषज्ञ
छाला, यौन, कुष्ठरोग तथा सौन्दर्य विशेषज्ञ	मृगौला तथा मुत्ररोग विशेषज्ञ	मुटु रोग विशेषज्ञ	

Hasanpur, Dhangadhi-5, Kailali, Nepal
091-527000/01/02, 9865680100, 9804600745
www.nisarghospitalnepal.com / nisarghospitalnepal

स्माईल चौधरीसे प्रकाशित

सठपाढक : प्रेम चौधरी (९८४८४२२२०७)

कार्यकारी सठपाढक : राम दहित (९८४८४९४५१८)

भाषा सल्लाहकार : दिलबहादुर चौधरी

पहुना सठपाढक : कृष्णराज सर्वहारी

व्यवस्थापन सल्लाहकार : राजकुमार चौधरी

प्रधान कार्यालय: धन.पा.- ८, शिवनगर, कैलाली (नमस्ते सहकारी भवन)

मसुरिया शाखा: दिनेश दहित (९८१२६४१६०१)

पहलमानपुर शाखा: जीवन चौधरी (९८४७५०१८८७/९८२५६२९३०५)

प्रधान कार्यालय धनगढी

E-mail: dailypahura@gmail.com,

Website: pahura.com

मुद्रक : समैजी अफसेट प्रेस, वेहडी, धनगढी

कैलारीमे भूमिके...

वर्गिकरण करटी रहल ओरसे सक्कु जाने आपन जग्गा कौन बर्गमे परल कना हेना जरुरी रहल कहलै । उहाँ कहलै, अब्बे विचार नैकरवी कलेसे १५ बर्षसम पस्टाई ओ सच्चाई परलेसे ढेर खर्च हुई ।

कार्यक्रममे इन्जिनियर सुनिल भण्डारी भु उपयोग योजना निर्माण तथा जग्गा वर्गिकरण सम्बन्धी प्रस्तुतीकरण करल रहित । जग्गाके वर्गिकरण हुइल सहजे हेरक लाग एक ठो स्क्यान बनाइल ओ उ स्क्यान करके कित्ता नम्बर, सिट नम्बर डारके कौन जग्गा कौन बर्गमे परल जानकारी लेहे सेक्ना बटैलै ।

भूमिके वर्गिकरण करेबेर कृषि, आवासिय, व्यावसायिक, औद्योगिक, खानी

तथा खनिज, वन, लडिया, खोला, ताल, सिमसार, सार्वजनिक उपयोग, सांस्कृतिक तथा पुरातात्विक महत्व, अन्य क्षेत्र करके १० क्षेत्रमे वर्गिकरण करटी रहल उहाँ बटैलै । कार्यक्रममे कैलारी गाउँपालिकाके सामाजिक विकास शाखाके प्रमुख यगम कलेल सहजीकरण करल रहित । कार्यक्रममे कैलारी गाउँपालिका वडा नम्बर ५ के वडा अध्यक्ष विष्णु प्रसाद चौधरी, वडा नम्बर ४ के वडा अध्यक्ष ठागुराम चौधरी भूमिके वर्गिकरण करेबेर सुभाब लेना मजा रहल कहटी सक्कु जाने साथ ओ सपोट कैना जरुरी रहल बटैलै । कार्यक्रममे वडा अध्यक्षहुके, वडा सदस्यहुके, एक से नौ वडाके भल्मन्सा, तथा सरोकारवाला निकायके प्रतिनिधिहुकनके सहभागिता रहे ।

संधियारको नाममा जारी १५ दिने सूचना

यस उपमहानगरपालिकाको वडा नम्बर १३ राजपुर स्थित कित्ता नं. १६१३ क्षेत्रफल १६९.३ वर्गमिटरमा भवन निर्माण गर्ने घरधनी श्री देउकला साउँदले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबूत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: सडक पश्चिम: हरिशा पन्त

उत्तर: टिकाराम भट्ट दक्षिण: नन्दकला पण्डित

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

संधियारको नाममा जारी १५ दिने सूचना

यस उपमहानगरपालिकाको वडा नम्बर १० घुइयाघाट स्थित कित्ता नं. १६५ क्षेत्रफल २३८ वर्गमिटरमा भवन निर्माण गर्ने घरधनी श्री पवनकुमार चौधरीले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबूत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: आसाराम चाधरी पश्चिम: सडक

उत्तर: सडक दक्षिण: सरिताकुमारी खड्का

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

डिवश ड्राईभिङ सेन्टर

दक्ष चालक बना सक्कु सैद्धान्तिक तथा व्यवहारिक ज्ञान देना प्रयास हमार, सफलता अपनके ।

सीप सिक्की, स्वरोजगार बनी विद्यार्थी ओ गुपुमे अउईयाहुकनहे विशेष छुटसहित...

हमार यहाँ दक्ष प्रशिक्षकहुकनसे मोटर साईकल, स्कुटी, कार, जीप प्यारेन्टीके साथ ड्राईभिङ सिखैनाके साथै फोटोग्राफीके सुविधा समेत उपलब्ध बा ।

नोट: साथै दूरसे अउईया विद्यार्थीनके लाग बैठना व्यवस्था समेत उपलब्ध बा । समयमे सक्कु सिकाह विद्यार्थीहुकनहे सम्पर्क कैना सहर्ष जानकारी कराइटी ।

धनगढी, चतकपुर कैलाली फोन ०९१-४१०२३७ मो ९८४८४३९६८५

पाठकवर्गसे अनुरोध

प्रिय पाठकवर्ग, पहुरा मिडिया प्रालिसे सन्चालित पहुरा दैनिक ओ पहुरा अनलाइनमे हमार सकेसम थारुपन लन्ना कोशिश जारी बा । विचार पेजमे थारु लगायट अन्य जनजातिकके आवाज हमार पहिला प्राथमिकता हो । अपन मनेम लागल उकुसमुकुस बाट अपनेनके फे लिख्के पठाइ सेकि । अपनेक विचार लम्मा हुइ परठ कना नइ हो । आइ कलम पकि, अपन मनक बाट ढेरसे ढेन जनहन बाँटि । पहुरा अनलाइनमार्फत अपन बाट संसार भर पुगाइ ।

-सम्पादक

पोष्टा समीक्षा

थारु मन्टरके दस्तावेज

रुइना, कपार बटैना, जुरी अइना, साँप विच्छी, गोजर कट्लकमे फुकफाक कैके ठिक कैना शक्ति थारु गुरुवन्के मन्टरमे रहठ कना डेखागैल बा ।

यी पोस्टाके सबसे बरा विशेषता कलक थारुन्के उत्पत्तिकालसे आजसम थारु गुरुवन्मे रलक मन्टर ज्ञानके खोजी कैके कुल मिलाके एक सय एक्काईस ठो मन्टरहे लिखित दस्तावेजीकरण कैगैल बा । पोस्टामे पुरुब सुनसरी, मोरङसे लेके रुपन्देही, दाङ देउखर, कैलाली, कञ्चनपुर क्षेत्रमे प्रचलित मन्टरहे समोटीगैल बा । तुलनात्मक हिसाबसे पश्चिउहा मन्टर ढेर बा ।

राना थारुबाहेक अन्य थारु समुदायमे अक्केठो फे जन्नी गुरुवा नैरना पितृसत्तात्मक सोच यहाँ फेन हावी रलक यी अध्ययन डेखैले बा । थारु समुदायमे अभिनसम गुरुवा उपर विश्वास करइया मनेन्के संख्या कम नैरलक बाट लेखक अग्रयैले बटाँ । रोचक बाट गैरथारु फेन थारु मन्टर ओ बैदवा ज्ञानमे विश्वास कैलक अध्ययन डेखैले बा । यहाँ टक कि विदेशमे वैठल थारु बुद्धिजीवी फेन थारु गुरुवन उपर भारी विश्वास कैलक अध्ययन डेखैले बा ।

लेखक चौठा खॉरा उपसंहारमे थारु

गुरुवा ज्ञान संरक्षणके लग अइना दिनमे चाले पर्ना कदमके बारेम कुछ उपाय, मार्गनिर्देश सुझैले बटाँ । ओस्टक अनुभव/अवलोकनहे फेन चार खॉरामे बाँटीगैल बा । प्रत्यक्ष गाउँमे जाके गुरुवन्के मेरमेरिक क्रियाकलाप जस्टे गुरै अवलोकन, असारी पूजा, आछट पाटी, खेरहन्वा बन्ढलक, बैडवा उपचार कैलक गतिविधिके शुरुवातसे अन्तसमके विधि ओ प्रकृया प्रत्यक्ष अवलोकन कैके लिपिवद्ध कैके दुरुस्त ढैल बा । यी घटना अध्ययनहे विश्वनिय ओ रोचक बनैले बा । ओस्टक अन्तमे कर्रा शब्दके पारिभाषिक शब्दावलीके अर्थ ओ अनुसन्धान करेबेरिक फोटु समावेश कैके पोस्टाहे थप गुदगर बनागैल बा ।

यी किताब अनुसन्धानके दस्तावेज हुइलक ओरसे पाठकके अपेक्षा कुछ ढेर हुईना स्वभाविक हो । अगिल्का खण्ड पढलेसे सन्दर्भ सामग्रीक कुछ कम हुइल महसुस हुईठ । गुरुवन्के वर्तमान आर्थिक, सामाजिक ओ सांस्कृतिक अवस्था खास कैके तथ्यांक आइट टे यी किताब आउर गुदगर हुइना रहे । करिब ३ महिना एकठो गुरुवक दिनचर्या अध्ययन कैल डेखा गैल बा लेकिन उ

एक बरससम निःशुल्क खानेपानी

पहुरा समाचारदाता घोडाघोडी, २६ भदौ । कैलालीके बर्दगोरिया गाउँपालिकासे शुद्ध खानेपानी सेवा निःशुल्क कैना हुइल बा । गाउँपालिकासे वडा नम्बर ३ मे निर्माण पूरा करल रानीकुण्डा खानेपानी आयोजना उद्घाटन कैटी गाउँपालिकाके अध्यक्ष कर्णबहादुर कुँवर आयोजनासे सेवा लेहुइया उपभोक्ताहे एक बरससम खानेपानी निःशुल्क उपलब्ध करैना घोषणा करल हुइट ।

अध्यक्ष कुँवर एक बरसपाछे फेन उपभोक्ताहे निश्चित युनिटसम खानेपानी महसुलमे छुट डेना विषयमे सरुहीय तथा प्रदेश सरकार ओ विश्व बैङ्कसँग समन्वय तथा छलफल हुइटी रहल बटैलै । उहाँ कहलै, “हम्रे इ आयोजना अन्तर्गतके जनताहे एक बरससम निःशुल्क खानेपानी डेहक लाग बटी । ओकरपाछे फेन जनताहे कटरा छुट डेहे सेकजाइठ कना विषयमे सरुहीय, प्रदेश ओ स्थानीय सरकार तथा विश्व बैङ्कसँग समन्वय ओ छलफल करटी रहल बटी ।” अन्यत्र जैसिन खानेपानीके धारा जडान कैना ढेर रकम टिरे पर्ना ओ मासिक रूपमे महँगो महसुल बुझाइ पर्ना बाध्यता आपन पालिकामे नैरहल उहाँ बटैलै ।

स्थानीय तह निर्वाचन, २०७९ मे अध्यक्ष कुँवरसे (बाँकी ३ पेजमे)

जरुरी टेलिफोनके प्रायोजक:

हमार यहाँ बोइलर मुगिनके मासु सुपथ मोलमे मिलठ । सेवा कर्ना मौका अवश्य देहवी ।

नोट : भोजविहा, व्रतवन्धके लाग होम डेलिभरीके सुविधा बा ।

प्रो.रमेश चौधरी केभी मासु पसल

क्याबेहेडी चौक, धनगढी कैलाली शावद उमावि लगे

मो. ९८११६३५६८०

एक्बुलेन्स नम्बर ९८२४६८९६७०, ९८४८४३७०१८, ९८१४६८०८०५६, ९८१४६८०००६८, ९८१४६६०२८५

प्रहरी अञ्चल प्रहरी कार्यालय ०९१- ४२१३०१ जिल्ला प्रहरी कार्यालय ०९१-४२११४०,१०० वडा प्रहरी कार्यालय ०९१-४२१२९१,११०

ईपका अतरीया ०९१-४४०१२२ टिनागर प्रहरी चौकी ०९१-४२११८३ जिल्ला प्रहरी कार्यालय ०९१-४२११४३ ईपका मसुरिया ०९१-४०२०१४ ईपका चौमाला ०९१-६९२४७१ ईपका लम्की ०९१-४४०१९९ ईपका मजनी ०९१-४८०१९९ ईपका सुखड ०९१-४२११६६ ईपका मालाखेती ०९१-४४०१२२ ईपका फल्तुरे ०९१-६९०३३० ईपका हसुलिया ०९१-४२११४३ ईपका पाण्डौन १०४१०१४१०४ ईपका प्रहरी चौकी बहुलिया ०९१-४२१२०६ ईपका टीकापुर ०९१-४६०१९९ स.प्र.वल सिमासुरक्षा धनगढी ४२६१२८ बैक नेपाल राष्ट्र बैक ०९१-२१३२२ नवजिवन बैक ०९१-४२३६४३ कृषि विकास बैक ०९१-४२१२३४ मालिका विकास बैक०९१-४२३७३८ बैक अफ काठमाण्डौ ०९१-४२३३८६ बैक अफ एसिया ०९१-४२४६४०

नेपाल बगलादेश बैक ०९१-४२१७८५ सिटिजन बैक ०९१-४२७४८५ कुमारी बैक ०९१-४२६०३८ सनराईज बैक ०९१-४२४८४० नेपाल इन्वेस्टमेन्ट बैक०९१-४२३७०६ एनएमबी बैक लि.०९१-४२१२९६ सरकारी कार्यालय अस्पताल जिल्ला प्रशासन .०९१-४२११०१ जिल्ला विकास .०९१-४२३४६० नगरपालिका .०९१-४२१४२९ मालपोत.०९१-४२१२०१, लापी शाखा.०९१-४६०४०२ कृषि विकास .०९१-४२३२४३, भुमि सुधार.०९१-४२१२२४ जिल्ला हुलाक.०९१-४२११४३, नेपाल बाल संगठन: ४२३६६५

सेती अञ्चल.०९१-४२१२७१ नवजिवन ०९१- ४२१२३३/४२१७३३ विजय मेडिकल हल धनगढी ०९१-४२३४३४ पद्मा धनगढी ०९१-४४०३४५ सेव नर्सिङ होम अतरीया ०९१-४४०७१७ एक्बुलेन्स मसुरिया १०४१०१४०८१ घोडाघोडी अस्पताल सुखड०९१-६९४७०७ टीकापुर अस्पताल ०९१-४६०१४०

दमकल १०१ नेपाल रेडक्रस सोसाइटी ०९१-४२१३३३ कैलाली उ.बा.संघ ४२१२३७, ४२३१७१ एम्बुलेन्स : ४२१६०० सामुदायिक एम्बुलेन्स सेव टीकापुर ९८४८४४७४० विगत : ४२११४४ दिनेश नेटल ०९१-४२१३९२ होटल डिजोटी ०९१-४२३९१८/४२१३३१ जगदम्बा०९१-४२३४१०, विद्या०९१-४२३२७३ तरुण ०९१-४२४६९३, सनलाईट०९१-४२१४३६ वल्ड लिंक धनगढी .४२०१४१ नान्दाला०९१-४२२८३०/४२७१९० नेपाल पञ्जाक महासंघ : ४२७१२२ शैक्षिक संस्था कैलाली बहुमुखी क्याम्पस ०९१-४२१२३३ सुदूरपश्चिमाञ्चल क्याम्पस ०९१-४२३१९२ ऐश्वर्य बहुमुखी क्याम्पस ०९१-४२१४०९ राजनैतिक पार्टी नेपाली कांग्रेस कार्यालय : ४२४१११ नेकपा (एमाले) कार्यालय : ४२१०१० वसपाके काउन्टर धनगढी : ०९१-४२१२४२ एफ.एम दिनेश एफ एम १३.८ मेगाहुज धनगढी: ०९१-४२६७०१

तिलौराकोटमे थप जग्गा अधिग्रहण करटी

कपिलवस्तु, २६ भदौ । प्राचीन कपिलवस्तुके राजधानी तिलौराकोटके पुरातात्विक सम्पदा संरक्षणके लाग किल्ला आसपासके थप जग्गा अधिग्रहण करजैटी ।

तिलौराकोटहे विश्वसम्पदा सूचीमे समावेश कैना आधार तयार कैना क्रममे पुरातत्व विभाग जग्गा अधिग्रहण प्रक्रिया आधे बहाइल हो ।

विभागके अनुसार किल्ला परिसर बाहेर करल उत्खनन तथा भू-भौतिक सर्वेक्षणसे प्राचीन संरचनाके भग्नावशेष तथा अन्य पुरातात्विक अवशेष भेटल बटै । उ संरचनाके अध्ययन, अनुसन्धान तथा संरक्षणके लाग उ क्षेत्रके जग्गा आवश्यक परल हो ।

बारहके डरसे बाहर पठनपाठन

बाजुरा, २६ भदौ । बाजुराके हिमाली गाउँपालिका-२ मे रहल बुढीनन्दा आधारभूत विद्यालय नातिखोलाके शिक्षाक तथा बालबालिका कक्षाकोठाबाहर पठनपाठन कैटी आइल बटै ।

सावन २८ गतेके अविरल वर्षाके कारण बिछ्याखोलुवामे आइल बारहसे यहाँके गाउँबस्ती, डगरा, सडक, पुल, बिछ्या माविलगायतके भौतिक संरचनामे बरवार क्षति हुइल रहे । पानी पर्ना अभिन रुकल नैहो । कक्षाकोठामे बैठल बेला बारह आइठ कि कना डरसे यहाँके बालबालिका विद्यालयके कक्षाकोठा बाहर बैठके पठनपाठन करे लागल हुइट ।

बुढीनन्दा आवासीय विद्यालय खोलाके किनारमे रहल बा । २०७७ सालमे आइल भूकम्पसे जमिन चिरा चिरा परल बा । प्रधानाध्यापक अजमति विष्ट कहलै, “भदौ १० गते रसुवाके भोटेकोशी लडियामे आइल बारह पाछे अब्बे यहाँके बालबालिका तथा कर्मचारी सक्कु त्रसित बटै । हमार विद्यालय फेन खोलुवा लग्गे रहल बा । बारह आके विद्यालय पहाइठ कि कना त्रास रहठ । ओहंमारे बालबालिकाहे बारहे आइल बेलामे भग्ना सहज होए कहिके बारह राखके पठनपाठन कैना करल बटी ।” कक्षा १ से ३ समके पढाइ हुइना इ विद्यालयमे २८ जाने बालबालिका अध्यनरत रहल

बटै । एक स्थायी, एक राहत, एक बालविकास ओ एक जाने कार्यालय सहयोगी सहित चार जाने कर्मचारी रहल प्रधानाध्यापक विष्ट बटैलै ।

हिमाली गाउँपालिकाके शिक्षा शाखा संयोजक पराम पाण्डे कहलै, “विद्यालयके अवस्था नाजुक छ । विद्यालयहे वहाँसे सुरक्षित स्थानमे सर्ना जरुरी रहल बा । ओकर लाग ढेर रकम आवश्यक परठ ।” हिमाली गाउँपालिकामे करिब २२ ठो विद्यालय सञ्चालनमे रहल बावै । उ मध्ये अधिकांश विद्यालयके अवस्था ओस्टे रहल हिमाली गाउँपालिकाके शिक्षा शाखा संयोजक पाण्डेके कहाइ रहल बा ।



गुरुवा कौन कौन काममे सफलता पाइल ? यी प्रश्नके उत्तर अनुत्तरित बा । गुरुवक दिनचर्या केवल धार्मिक ओ सांस्कृतिक काममे किल सीमित विलाठिस । यी किताब अभिन गुरुवन्के विषयमे गहिँर अध्ययन कैना जरुरी बा कना डेखैले बा ।

यी किताबमे आबक ३५ से ४० बरस भिटुर चितवन, देउखरमे गुरुवा पुरे लोप हुईना खतरा रलक अंग्यागैल बा । पक्के फेन यी गम्भीर विषय हो । थारुन्के पहिचानसे जोरल गुरुवा प्रथा बचैना काममे एकचो सक्कु सरोकारवाला लहीपर्ना जरुरी डेखैले बा यी किताब । हेरैटी गैलक थारुन्के लोक संस्कृति जोगैनामे यी किताब अहम् भूमिका खेली कनामे दुइ मत नै हुइ ।

साहित्यिक फूलरिया

बालगजल	गजल
सागर कुशमी	गणेश चौधरी
बाबा टुहिन चिट्ठी पठाइदुँ सहरसे । केरायक समस्या जनाइदुँ सहरसे । कबु कापी कबु कलम ओराजाइठ, लावा कसिक किनु बटाइदुँ सहरसे । बुडिबुडुनके, खोब सम्भना सटाइठ, यहाँ केउनै मिल्ठै कवाइदुँ सहरसे । घनि टिना घनि सिढा कबु तेल फेन, नोन खाके जिन्गी चलाइदुँ सहरसे । सहरमे खरियाँ फुलौरी खैनास लागठ, खवासक भारे मुह रसाइदुँ सहरसे ।	खरक टुटल भोप्री बा आइ सेक्बो कलसे आउ । सन्झ्याबिन्ट्या अनाज बचाइ सेक्बो कलसे आउ । ना ट कुछ खैना पटा ना ट कहुँ बैठना पटा म्वार, जिन्गीसंग टुँ अक्केली रमाइ सेक्बो कलसे आउ । चिन्हाँक नाउँम टुहिन मै टुहिन भरडेम खुशी खुशी, सिन्डुरसे आपन माङ्म सजाइ सेक्बो कलसे आउ । पुछ्बो महिन बटैम मै पूरा हिडा भिट्ठरके हल्कोरा, उ अन्दरिया हँ अज्जार बनाइ सेक्बो कलसे आउ । आउर ट कुछु निकहटुँ सुखल मनक फुलरियम, मेरमेरिक फुला फुलाइ सेक्बो कलसे आउ ।
धनगढी, कैलाली	बर्दिया
गजल	गजल
अमिन बर्दियाली	सन्देश दहित
कुछ डिन हुइगिलस यि मन उल्फनम रहठ । डेहल हर चोट टुँहार तनसे ढेर मनम रहठ । किह्नो कुछ कहनासे पहिले कुछ साँच्के कहेउ, लाठिक मारल पिरासे भार पिरा बचनम रहठ । मृत्युक बदनाम टो भुठैँ कैले बाटैँ सृष्टिक मनै, सुख दुःख टो यिहे वास्तविक जिवनम रहठ । रुपरङ्ग सोह्रा सिंगार मानवके पहिचान जो हो, अस्ति सुन्दरता बोलीचाली चालचलनम रहठ । जैसिन कर्नी ओइसिन भर्नी यि बाट जायज हो, नरम बोली या भटकार अपन सम्बोधनम रहठ ।	एकफाले खै काजन देख्क रुइठो काजे । आनक टुवर लर्कन देख्क रुइठो काजे । उ कठि उज्जर रंग जाट्से मन परठ, फँ लहासके कफन देख्क रुइठो काजे । पैल्ह निसहेर्क डिउँटन फाँक अइलो, डहठा बैरी डुस्मन देख्क रुइठो काजे । फुरे टुहिन लौव नेपाल देख्ना मन रह, हिंसात्मक आन्दोलन देख्क रुइठो काजे । हुँक्रे रकट पस्ना पिके जियल बाटैँ डाडु, टुँ कर्फा पर्लसे हारन देख्क रुइठो काजे
बर्दिया	कैलाली

अधिकांश स्थानीय तह साक्षर

काठमाडौँ, २६ भदौ । मुलुकसे निरक्षरता उन्मूलन करना मेरि क डेढ दशकसे देशव्यापी अभियान सञ्चालन करुपाछे देशके अधिकांश स्थानीय तह साक्षर डेखाइल बा । यद्यपि अभिन फेन ११२ ठो स्थानीय तहमे निरक्षरता डेखाइल बा ।

हालसम ६८ जिल्ला साक्षर घोषित होसेकल बा । साक्षर घोषणा हुइना बाँकी रहलमध्ये कणाली प्रदेशके डोल्पा ओ बाँकी मधेश प्रदेशके जिल्ला बा । मधेशके १३६ ठो स्थानीय तहमध्ये २५ ठो किल पूर्ण साक्षर घोषित हुइल बा । थप २५ स्थानीय तह साक्षर घोषणा हुइना अन्तिम तयारीमे रहल शिक्षा विभाग जनैले बा ।

ओस्टेक डोल्पा जिल्लाके छाका ताडुसोड गाउँपालिका फेन साक्षर घोषणा हुइना बाँकी बा । शिक्षा विभागके अनुसार उ गाउँपालिकाके अधिकांश नागरिक तिब्बेतिथन भाषामे साक्षर बटैँ । उहाँहुकनके दैनिक व्यवहार फेन ओहे भाषामे चल करठ मने नेपाली भाषा लिखे, बोले नैजन्ठै । मधेश ओ कर्णालीके समेत कैके ११२ ठो स्थानीय तह साक्षर घोषणा हुइना बाँकी बा । चालु आर्थिक वर्षभित्तरमे बाँकी रहल सब जिल्लाहे साक्षर घोषणा करना सरकारी तयारी बा ।

मधेशमे निरक्षरताके धेर समस्या डेखाइलपाछे सरकार कुछ समयआधे ‘साक्षर मधेश प्रदेश तयारीसम्बन्धी उच्चस्तरीय विज्ञ कार्यदल’ बनाके अध्ययन करले रहे । पूर्वसचिव डा. रामस्वरूप सिन्हाके संयोजकत्वमे गठन

करल सात सदस्यीय कार्यदलसे शिक्षा तथा खेलकुदमन्त्री सस्मित पोखरेलहे गैल वैशाख ३० गते प्रतिवेदन हस्तान्तरण करल रहे ।

प्रतिवेदनमे मधेश प्रदेशके साक्षरताके अवस्था, निरक्षरताके मुख्य कारण, डेखाइल समस्या, समाधानके लाग रणनीति ओ नवीन अभ्यासलगायतके सिफारिससमेत प्रस्तुत करल बा । ओहे प्रतिवेदनहे समेत आधार मानके सरकार यी चो प्रदेश ओ स्थानीय तहहे सक्रिय बनैना रणनीति लेले बा । सरकार पहिलचो २०६५ सालमे यी अभियान सुरु करले रहे । उबेला दुई वर्षभित्रे निरक्षरता उन्मूलन करना लक्ष्य लेले रहे । ओकरपाछे हरेक वर्ष सञ्चालन करल अभियानसे हालसम भन्डे १० अर्ब रुपियाँ खर्च हुइल बा ।

जनसंख्याके न्यूनतम ९५ प्रतिशत साक्षर रहल जिल्ला, पालिका वा प्रदेशहे साक्षर घोषणा करे सेक्न संयुक्त राष्ट्रसंघके अभ्यास बा । उबाहेक राष्ट्रभाषा वा मातृभाषाके वर्ण/अक्षर पहना ओ लेले सेक्ना, नेपाली वा मातृभाषामा लिखल मूल्यसूची ओ बिल पहे जन्ना, अपन ओ परिवारके सदस्यके नाम, उमेर लिखना ओ पहे सेक्ना, मोबाइल ओ क्यालकुलेटरके अंक ओ अक्षर प्रयोग करे जन्ना, घडी हेरके समय बताइ सेक्ना, अंक लेखन ओ गणना करे सेक्ना, भित्तेपात्रो हेरके तिथिमिति बताइ सेक्नालगायत १२ ठो सूचकहे साक्षरताके सूचक मानजाइठ ।

यीमध्ये छ ठो सूचकमे सक्षम रहल

नागरिकहे साक्षर हुइल मानजाइठ । पाछेक तथ्यांक अनुसार पाँच वर्षसे उप्पर उमेर समूहके साक्षरता दर ७६.२ प्रतिशत बा । ओम्ने पुरुष ओ महिलाके साक्षरता दर क्रमशः ८३.६ प्रतिशत ओ ६९.४ प्रतिशत रहल बा । १५ वर्षउप्परके साक्षरता दर ७२ प्रतिशत रहल बा । उमध्ये १५ वर्षसे २४ वर्ष उमेर समूहके साक्षरता दर ९४ प्रतिशत तथा १५ वर्षसे ६० वर्ष उमेर समूहके साक्षरता दर ८५ प्रतिशत बा ।

सरकार पहिलचो सन् २००० मे थाइल्यान्डके जोम्तेनमे रहल अन्तर्राष्ट्रिय सम्मेलनमे सन् २०१५ भित्रे मुलुकसे निरक्षरता उन्मूलन करना लिखित प्रतिबद्धता करले रहे । शिक्षाविद् प्राडा विद्यानाथ कोइराला नागरिकहे साक्षर करैना जिम्मेवारी केकर कना स्पष्ट नैहोके अभियान अपेक्षित सफल हुइ नैसेकल बटैलै ।


शिक्षा तथा खेलकुद मन्त्रालयके प्रवक्ता श्रीप्रसाद भट्टराई साक्षरता अभियानहे प्रभावकारी बनैना सामुदायिक सिकाइ केन्द्रके सहजकर्ता, माध्यमिक तहके कक्षा १०, ११ ओ १२ के विद्यार्थी परिचालन करनालगायतके योजना रहल बटैलै ।

यी चोके अन्तर्राष्ट्रिय साक्षरता दिवसमे ‘मानव, पृथ्वी ओ समृद्धिके लाग साक्षरता’ कना मूल नारा तय करल बा मने मुलुक भोटैकोशी नदीमे आइल बाढसे निम्त्याइल क्षतिके कारण शोकमे रहल ओरसे यी चो साक्षरता दिवससम्बन्धी कौनो फेन औपचारिक कार्यक्रम नैकरल शिक्षा विभाग जनैले बा ।

साप्ताहिक बाल स्तम्भ



आयन कुशमी, कक्षा : २
बाल्मिकी इन्टरनेशनल स्कूल, धनगढी




रियान कुशमी, कक्षा : एलकेजी
बाल्मिकी इन्टरनेशनल स्कूल, धनगढी



निबी चौधरी, कक्षा : २
ज्योति ई.बो. स्कूल, धनगढी



लक्ष्मी चौधरी, कक्षा : ६
ज्योति ई.बो. स्कूल, धनगढी



जोया नूर अन्सारी, कक्षा : ७, वेष्ट सनराइज इंग्लिस बोर्डिंग स्कूल, धनगढी

एक बरससम...

करल प्रतिबद्धता क्रमशः कार्यान्वयन करटी रहल बा । रानीकुण्डा खानेपानी आयोजनाके अध्यक्षा टङ्क ओली निर्वाचनके बेला करल प्रतिबद्धता व्यवहारमे कार्यान्वयन हुइल डेखेबर अपने उत्साहित सञ्चालन, शव चिस्थान सेवा,

काजकिरिया खर्च व्यवस्थापन तथा पोस्टमार्टम सेवा सञ्चालन करटी रहल बा । रानीकुण्डा खानेपानी आयोजनाके अध्यक्षा टङ्क ओली निर्वाचनके बेला करल प्रतिबद्धता व्यवहारमे कार्यान्वयन हुइल डेखेबर अपने उत्साहित हुइल बटैलै ।

पेट, छाती, मुटु तथा थाईराईड विभाग

उपचार हुने रोगहरु

- उच्च रक्तचाप, दम तथा मुटु रोगको उपचार
- सुगर (मधुमेह), थाईराईड रोगको उपचार तथा परामर्श
- मिर्गी रोग, प्यारालाइसिस (पक्षघात) तथा अन्य नशा सम्बन्धी रोगको उपचार
- छाती दुख्ने, पेट दुख्ने समस्याको उपचार
- ज्वरो आउने, टाउको दुख्ने तथा पुरानो जटिल रोगको उपचार तथा परामर्श
- सिकल सेलरोग तथा अन्य रगत कम (Anemia) को उपचार तथा परामर्श

२४ सै घण्टा आकस्मिक उपचार

ओ.पि.डी. सेवा प्रत्येक दिन (बिहान ८ देखि साँझ ५ बजेसम्म)



धनगढी

संजिवनी अस्पताल प्रा. लि.

९ (राष्ट्र बैंक चौक, धनगढी-५) ७ सम्पर्क नं. ०९१-५९०३२८, ९७६४२१२७२७, ९७६९९३२१०५

बालमैत्री पालिका बनैनामे बालविवाह चुनौती

पहुरा समाचारदाता

टीकापुर, २६ भदौ । कैलालीके भजनी नगरपालिकाहे बालमैत्री स्थानीय पालिका बनाइ लागल बा । बालमैत्री बनाइक लागपूरा करे पर्ना ५१ ठो सूचक पूरा करक लाग बालविवाह चुनौतीके रूपमे देखल बा । नगरके शिक्षा, स्वास्थ्य, प्रहरीके तथ्यांकसे इहे देखाइत् । थारू, मुस्लिम समुदायके बसोबास रहल भारतसँग सिमाना जोरल इ पालिकामे बालविवाह ढेर हुइना करल बा ।

बालविवाह करल बालबालिका आधारभूत तहके पढाइ पूरा नैकैके छाना, विवाहदता नैहुइना, विवाहपाछे कलिले उमेरमे बालभ्रममे लगना, उमेर नैपुग्टी गर्भवती हुइना, प्रोटोकल अनुसार गर्भजाँच नैकरैना, परिवार, समुदाय वा रोजगारीमे रहेबर फेन श्रम शोषण, दुर्व्यवहारमे पर्ना, कुलतमे लागे सेक्ना, कम उमेरके डाइबाबा बच्चा जन्माइलमे कुपोषित हुइना, ख्याउटे पुङ्को हुइना, जन्मदता नैहुइना, विवाहदता नैहोके सम्बन्ध बिप्रा नैसिन समस्या देखपरल बावै । बालमैत्री वडा वा पालिका बनाइक लाग इ सक्कु चीजसे मुक्त हुइ



पर्ना व्यवस्था रहल बा ।

बालमैत्री पालिका गठनपूर्व बालमैत्री स्थानीय शासन समिति गठन कैके काम करे पर्ना व्यवस्था रहल बा । काम करलेसे फेन पार नैपैना खालके समस्या रहल समितिके सदस्य तथा शिक्षक अर्जुन चौधरी बटैलै । बालविवाह ओ सीमावारपर विवाहके कारण विद्यालयमे पढाई रहल ६४ बालबालिकाके जन्मदता हुइ नैसकल मुह्याल मावि भजनीके प्रधानाध्यापक विद्याप्रसाद भट्ट बटैलै । उहाँ कहलै, “पाठ्यपुस्तक, दिवा खाजा देहे परठ,

ओइनके जन्मदता नैहुइल ओरसे बेरुजु आइ लागल बा ।”

शैक्षिक सत्र २०८२ मे १४९ जाने विद्यालय जैना उमेरके बालबालिका विद्यालयबाहर रहल बटै । ३९८ जाने शैक्षिक सत्रके बिच्चेमे पढाइ छोरल शिक्षा युवा तथा खेलकुद शाखाके अधिकृत देवराज अवस्थी बटैलै । स्वास्थ्यके तथ्याङ्क अनुसार फेन एक बरसमे ८०७ जाने गर्भ जाँच कराइलमे १०६ जाने ओ ३१४ जाने बर्थिङ सेन्टरमे बच्चा जन्माइलमे ५५ जाने २० बरस टरेक बालिका रहल स्वास्थ्य शाखा

प्रमुख कैलास डगौरा थारूके कहाइ रहल बा ।

आर्थिक बरस २०८२/८३ मे २१ ठो घरेलु हिंसाके उजुरी दर्ता हुइलमे ११ ठो कम उमेरके विवाहित परल, एक बरसमे छ महिला ओ तीन जाने १७ बरस टरेक बालिका आत्महत्या करल इलाका प्रहरी कार्यालय भजनीके प्रहरी निरीक्षक खगेन्द्रसिंह साउद बटैलै । नगर विकासके लाग बालमैत्री पालिका आवश्यक ठानके नगरपालिकासे सुरु करल काममे गैरसरकारी क्षेत्रके सहयोग फेन रहल मने बालबालिकाके समस्या समाधान कैना बालबालिका स्वयमसे शिक्षक, अभिभावक, सामाजिक अगुवा, जनप्रतिनिधि सबके योगदान आवश्यक रहल भजनी नगरपालिकाके प्रमुख केवल चौधरी बटैलै । पालिकासे वडा नं. १ से बालमैत्री पालिका घोषणा करे लागल बा, यकर कलाग विकासके लाग युवा ऐक्यबद्धता संस्थासे प्राविधिक सहयोग कैके वडा बाल पार्श्वचित्र बनाके सूचक पूरा कैना काममे लागल रतनलाल चौधरी बटैलै ।

कांग्रेस संसदीय दलसे कोषमे रकम जम्मा

पहुरा समाचारदाता

धनगढी, २६ भदौ । नेपाली कांग्रेस सुदूरपश्चिम प्रदेश संसदीय दलसे भोटेकोशी बाढी प्रभावितके लाग पूर्व घोषित आर्थिक सहायता रकम शुक्रके प्रधानमन्त्री देवी प्रकोप उद्गार कोषमे जम्मा करले बा ।

कांग्रेससे तीन लाख ६१ हजार ६६७ रकम कोषमे जम्मा करल हो । कांग्रेस संसदीय दलसे भदौ १२ गते मानवीय सहायता तथा राहतस्वरूप बाढी प्रभावित नागरिकके लाग आर्थिक सहयोग कैना घोषणा करल रहे । संसदीय दलके नेता तथा निवर्तमान मुख्यमन्त्री कमलबहादुर शाह एक महिनाके पारिश्रमिक तथा संसदीय दलके अन्य प्रदेश सभा सदस्य १० दिनके पारिश्रमिक बराबरके रकम सहयोगस्वरूप प्रदान करल हुइत् ।

इहे बिच, शुक्रके संसदीय दलके नेता तथा निवर्तमान मुख्यमन्त्री कमलबहादुर शाहके अध्यक्षतामे बैठल नेपाली कांग्रेस सुदूरपश्चिम प्रदेश संसदीय दलके बैठकसे राहत, उद्गार तथा पुनर्स्थापनाके कार्यक्रमहे थप प्रभावकारी बनैना सक्कु जनहनहे आग्रह करल बा ।

“बादी ओ दलित समुदायके अधिकार सुनिश्चित कैना सरकार गम्भीर बा”

पहुरा समाचारदाता

धनगढी, २६ भदौ । सुदूरपश्चिम प्रदेशके मुख्यमन्त्री खगराज भट्ट प्रदेश सरकार बादी ओ दलित समुदायके अधिकार सुनिश्चित कैना गम्भीर रहल बटैले बटै ।

सुदूरपश्चिम प्रदेश वादी उत्थान विकास समितिके सम्मेलनमे बोल्टी मुख्यमन्त्री भट्टसे प्रदेश सरकार गरिव, असहाय ओ भुइँमान्छेके सरकारके रूपमे स्थापित कैना करके अइना बजेट तथा कार्यक्रम निर्माणके तयारी हुइटी रहल उहाँ बटैलै । महिला, गरिव, असहाय, बालबालिका, नवयुवा, वादी तथा सुकुम्बासी समुदायमैत्री सरकार निर्माणसंगे सुशासनयुक्त शासन व्यवस्थाहे प्राथमिकतामे धारके बजेट निर्माणके तयारी समेत हुइटी रहल उहाँके कहाई रहल बा ।

उहाँ राज्यमे अभिनफे असमानता ओ विभेद कायम रहल कहटी ओकर अन्यके लाग राज्यसे करेपर्ना ढेर काम बाँकी रहल उल्लेख करलै । दसवर्षे जनयुद्धसे दलित तथा वादी समुदायउपर हुइना ढेर मेरिक विभेद अन्य कैना महत्वपूर्ण भूमिका खेलल

उहाँके कहाई रहे ।

मुख्यमन्त्री भट्टसे अइना बजेटमे ‘दलित अधिकार दशक’ के रूपमे विशेष कार्यक्रम ल्यन्ना तयारी हुइटी रहल बटैलै । दलित समुदायउपरके छुवाछुत पूर्ण रूपमे अन्त्य करटी ओइनके आर्थिक तथा सामाजिक जीवनमे परिवर्तन ल्यन्ना करके कार्यक्रम तथा योजना आघे बहैना उहाँ बटैलै ।

प्रदेशके औचित्य पुष्टि हुइना करके बजेट निर्माण कैना उल्लेख करटी मुख्यमन्त्री भट्टसे बादी समुदायके समस्या समाधान कैना प्रदेश सरकार प्रतिवद्ध रहल बटैलै । राज्यसे अभिन ढेर विभेदके अन्त्य कैना बाँकी रहल कहटी उहाँ सक्कु समुदायके पहिचान, आत्मसम्मान ओ अधिकार सुनिश्चित करेपर्नामे जोड डेलै ।

दलित समुदायभितर रहल विभेद ओ छुवाछुतके समेत अन्त्य कैना आवश्यक रहल उहाँके कहाई रहे समानता, सामाजिक न्याय ओ सम्मानमे आधारित समाज निर्माणके लाग प्रदेश सरकारसे अइना बजेटमार्फत विशेष पहल कैना मुख्यमन्त्री भट्ट बटैलै ।

रुससँग सम्बन्ध बलगर बनैटि उत्तर कोरिया

काठमाडौं, २६ भदौ । उत्तर कोरिया रुससँगके पहिल सडक पुलहे दुई देशबिच बहल सम्बन्ध ओ सहकार्यके प्रतीकके रूपमे प्रस्तुत करले बा । तुमेन नदीउपर बनल पुल उद्घाटन करल हो ।

उत्तर कोरियाली अधिकारी पाक थाई सड पुल निर्माण सम्पन्न हुइना द्विपक्षीय सहयोगमे नयाँ गति थपन महत्वपूर्ण घटना हुइल बटैलै । रुसी प्रधानमन्त्री मिखाइल मिशुस्टिन फेन पुल दुई देशबीचके सम्बन्ध थप सुदृढ बनैना बटैलै ।

सन् २०२२ मे रुस युक्रेनमे आक्रमण सुरु करलपाछे मस्को ओ प्योड्याडबिच सैन्य तथा आर्थिक सहकार्य तीव्र हुइल बा । उत्तर कोरियासे सन् २०२४ मे

रुसके कुस्क क्षेत्रमे युक्रेनी सेनाविरुद्ध लडन हजारौं सैनिक पठैले रहे । दुनु देशसे ओहे वर्ष पारस्परिक रक्षा सन्धि करले रहे ।

दक्षिण कोरियाके केन्द्रीय बैंक उत्तर कोरियाके अर्थतन्त्र सन् २०२५ मे लगातार तेसर वर्ष तीन प्रतिशतसे ढेर बहल ओ रुससँगके आर्थिक सहकार्य ओकर प्रमुख कारणमध्ये एक रहल जनाइल बा ।

यिहेबिच, युक्रेनी अधिकार समूह दूध हाउन्ड नयाँ पुल उत्तर कोरियाली सेना तथा सैन्य अधिकारीहे रुस पठैना मार्ग बने सेक्ना ओ रुसी प्रविधि तथा स्रोत उत्तर कोरिया भित्रैनासमेत प्रयोग हुइ सेक्ना चेतावनी देहल बा ।



काठमाडौं, २६ भदौ । भोटेकोशी हिमबाढसे यातायात अवरुद्ध हुइलपाछे काठमाडौं उपत्यकामे खाद्यान्न ओ हरियर तरकारीलागतके दैनिक उपभोग्य वस्तुके मूल्य बहल बा । वैकल्पिक मार्ग प्रयोग कैके दुवानी करेपरल ओरसे दुवानी भाडा ओ समय बहल कटि व्यवसायी उपभोग्य वस्तु ओ खाना पकैना एलपी ग्यासके मूल्य बहल हो ।

एकओर व्यवसायी काठमाडौंके गोदाममे पर्याप्त खाद्यान्न मौज्दात रहल ओरसे तत्काल चरम अभाव हुइना अवस्था नैरहल बटैलै कलेसे ओरओर वैकल्पिक मार्ग प्रयोग करल ओरसे दुवानी भाडा बहल कटि अधिकांश खाद्यान्न, हरिया तरकारी ओ फलफूलके मूल्य बहल बा ।

हिमबाढके कारण पृथ्वी राजमार्गके गल्ली सडकखण्ड दुबाने परल रहे । सडक खुलाइल दोसर दिनमे बाढसे कटान कैके कृष्णभिरमे सडक भासिएपाछे काठमाडौं भित्रना मुख्य मार्ग पूर्ण रूपमे ठप्प हुइल बा ।

नेपाल चामल, तेल, दाल उद्योग संघ ओ नेपाल खाद्य किराना तथा

थोक व्यवसायी संघके अनुसार काठमाडौंके गोदाममे पर्याप्त खाद्यान्न मौज्दात रहल ओरसे आत्तेपरना अवस्था भर नैहो । व्यवसायीके अनुसार सामान्यतः उपत्यकामे तीन महिनाहे पुग्न चामल ओ एक महिना पुग्न अन्य खाद्यान्नके मौज्दात सुरक्षित रहठ ।

अड्डे भर काठमाडौं भित्रन प्रमुख नाका पृथ्वी राजमार्ग बन्द होके भारी ट्रकसे एक चोमे ढेर परिमाणमे सामान नाने नैसेक्ना ओ वैकल्पिक एवं लम्मा डगर प्रयोग कैके दुवानी लागत बहल तुलनात्मक रूपमे कम मूल्य बहल बटैलै । पाछेक समयमे खाद्यान्नके मूल्य बहनामे दुवानी प्रमुख कारण रहल संघके अध्यक्ष देवेन्द्रभक्त श्रेष्ठ बटैलै । दुवानी असहज हुइलसँगे उपत्यकाके थोक तथा खुद्रा पसलमे चामल, चिनी, गोडागुडी, खानेतेललागतके दैनिक उपभोग्यवस्तुके मूल्य पाँचसे २० प्रतिशतसम्म बहल बा । नेपाल खुद्रा व्यापार संघके अनुसार पाछेके एक साताके बिचमे चिनी प्रतिकेजी १२० रुपियाँसे १३५ रुपियाँ, कच्चे तोरीके तेल प्रतिलिटर

३७० रुपियाँसे ४२० रुपियाँ, सन्फ्लावर प्रतिलिटर २९५ रुपियाँसे ३१० रुपियाँसम्म पुगल बा । जिरा मसिनो चामल प्रतिबोरा दुई हजार तीन सय रुपियाँसे दुई हजार पाँच सय रुपियाँ पुगल बा ।

खुद्रा व्यापार संघके महासचिव अमलकाजी तुलाधरसे उद्योगी ओ थोक व्यापारी तीन महिना चामल ओ एक महिनाके लाग अन्य खाद्यान्न मौज्दात रहल दाबी करल उद्योगी पाछेक दिनमे दुवानीके नाममे सबके मूल्य बहाके बिक्री करलमे आश्चर्य प्रकट करलै । “बजारमे सीमित कृष्ण व्यापारी मनपरी कैके समेत बजार अनुगमनके जिम्मा पाइल वाणिज्य, आपूर्ति तथा उपभोक्ता संरक्षण विभाग कहाँ बा,” उहाँ प्रतिप्रश्न करलै ।

अनुगमन तीव्र पारल विभागके दाबी वाणिज्य, आपूर्ति तथा उपभोक्ता संरक्षण विभाग विपत्के समयमे कालोबजारी करना, कृत्रिम अभाव सिर्जना करना ओ अनुचित मूल्यवृद्धि करनाविरुद्ध कडा कारबाही करना दाबीसहित बजार अनुगमनमे लागल दाबी करले बा ।

विभागके निर्देशक अनिल किराँती गैल सातासे काठमाडौं जोरल प्रमुख नाका पृथ्वी राजमार्ग बन्द होके उपत्यकामे देखाइल खाद्य, तरकारी ओ फलफूलमे केन्द्रित रहिके अनुगमन करटिरहल जानकारी डेलै । यी अनुगमनके क्रममे भारी गोदामसे खुद्रामे रहल छोट पसलसम्म अनुगमन कैके कानुनविपरीत कार्य करनाहे कारबाही ओ जरिबाना करल फेन उहाँ जानकारी करलै ।

ग्राहक वर्गहरूमा खुशीको खबर !

हाम्रो यहाँ सबै कम्पनीका रि-कण्डिसन मोटरसाइकलहरू पाइनुका साथै मर्मत पनि गरिन्छ र सबै कम्पनीका हेलमेट र पार्टसहरू थोक तथा खुद्रा मूल्यमा पाइन्छ ।

कुनै पनि मोटरसाइकल नगद खरिद गरेमा आकर्षक उपहारको व्यवस्था रहेको जानकारी गराउँदछौं ।



संजय अटो सेल्स एण्ड रि-कण्डिसन

धनगढी-४, उत्तरबेहडी (चटकपुर शहिद गेट भन्दा दुईसय मिटर पूर्व)

फोन नं. ०९१४१०१०५, सुजित मो. ९८५८४२३९१२, सुनिल मो. ९८६७७९३५२१, महेश मो. ९८१३१३१०२९

सुवर्ण अवसर ! सुवर्ण अवसर !! सुवर्ण अवसर !!!

कैलाली अस्पताल प्रा.लि

Provide Health Related Services

सेवाहरू:

- मधुमेह(सुगर)
- थाइराइड रोग
- पेट,मुटु तथा छातिरोग
- कलेजी रोग
- TB, हेपाटाइटिस रोग
- ब्लडप्रेसर तथा हृदयरोग
- मोटीपना

डा. अकाश राउत
MBBS, MD (TJ), Internal Medicine
Senior Consultant Physician
NMC NO. 20304
आउने समय : प्रत्येक दिन (२४से घण्टा)

डाक्टर आउने समय : प्रत्येक दिन, आकस्मिक सेवा (चिकित्सक) २४ घण्टा

हावा सेवाहरू : १) २४ घण्टा ईमर्जेन्सी सेवा, फार्मसी सेवा, अत्याधुनिक प्याथोलोजी, रंगीन इण्डोस्कोपी, डिजिटल एक्सरे, रंगीन भिडियो एक्सरे, अत्याधुनिक अप्रेसन थियटरबाट सेवा, वातानुकूलन एम्बुलेन्स, वातानुकूलन क्याबिन । २) स्त्री रोग तथा प्रसूती सम्बन्धी सेवा (बाँझोपन, सेतोपानी बग्ने, तल्लो पेट दुख्ने, महिनावारी गडबडी, पाठेघर खस्ने, पाठेघरको अप्रेसन, गर्भवती तथा सुत्केरी सेवा) । ३) न्याप्रोस्कोपी तथा जनरल सर्जरी (हाइड्रोसिल, हर्निया, पायल्स, फिस्टुला, स्तनमा गाँठगुठी आउने, शरिरका विभिन्न भागमा गाँठगुठी, घाउ खटिरा, पत्थरी, किडनीको पत्थरी, प्रोस्टेटको अपरेसन तथा पित्तथैलीको पत्थरी अपरेसन) । ४) हाडजोर्नी तथा नशा सम्बन्धी सेवा (हाटखुट्टा बाङ्गे, फ्याक्चर, हाडजोर्नीको दुखाई, कम्मर दुख्ने तथा अत्याधुनिक मेसिनबाट हड्डीको अपरेसन)छाती, मुटु, कलेजी तथा पेट सम्बन्धी सेवा । ५) यौनरोग, कपाल तथा छाला रोग सम्बन्धी सेवा । ६) मानसिक तथा मनोरोग सेवा । ७) नाक, कान, घाँटी रोग सम्बन्धी सेवा । ८) मुर्छा पर्नु, टाउको दुख्ने जस्ता समस्याहरू, प्यारालाइसिस हातखुट्टा नचल्ने सम्बन्धी सेवा । ९) न्यूरो (नशा रोग) लागुपदार्थ दुर्व्यसनी, कुलत सम्बन्धी, हाटखुट्टा भ्रमभ्रमाउने, छारे रोग । १०) आगोले पोलेको हातखुट्टा बाङ्गिएको र खुँडेको अपरेसन आदि सेवा ।

कैलाली अस्पताल प्रा.लि

जिल्ला प्रशासन कार्यालय अगाडि, पशुपति टोल, धनगढी, कैलाली

फोन नं. ०९१-४२४५५४, ४२४६५४, ४२९२४९